

## **Prof. dr. Ibrahim Omerhodžić**

Prof. dr. sci. med. Ibrahim Omerhodžić, primarijus, specijalista neurohirurg, rođen je 1974. u Doboju, BiH, gdje je završio osnovno i srednje obrazovanje. Nastavnik je na Medicinskom fakultetu UNSA u zvanju vanrednog profesora. Medicinski fakultet i postdiplomski studij završio je na Univerzitetu u Sarajevu (UNSA), kao i magisterij iz oblasti cerebralne mikrodijalize te doktorat iz oblasti refrakterne intrakranijalne hipertenzije. Zaposlen je na Klinici za neurohirurgiju Kliničkog centra Univerziteta u Sarajevu (KCUS), gdje vodi odjel neurohirurške intenzivne jedinice sa operacionim salama i transplant program KCUS.

Dr Omerhodžić se usavršavao u eminentnim svjetskim neurohirurškim centrima (USA, Švedska, Njemačka, Austrija...). Organizator je više značajnih međunarodnih neurohirurških skupova. Dobitnik je prestižnih internacionalnih priznanja.

Pozvani je predavač na najvažnijim neurohirurškim događajima u svijetu. Bio je gost predavač na naučnim skupovima u akademijama nauka Hrvatske, Crne Gore i BiH, te je istaknuti član Bosansko-Američke akademije nauka i umjetnosti (BHAAAS). Voditelj je onkološkog komiteta Udruženja neurohirurga jugoistoka Evrope (SEENS) čiji je i asistent sekretar. Član je elitnog društva Svjetska akademije neurohirurga (WANS), Evropskog neurohirurškog trening komiteta (EANS TC) i Svjetskog komiteta za cerebrovaskularnu neurohirurgiju (WFNS CV), te najznačajnijih neurohirurških društava.

Publicirao je više od 50 naučnih i stručnih radova, te je (ko)autor šest neurohirurških knjiga (tri na engleskom i jedna na kineskom jeziku). Član je uređivačkih odbora i recenzent za više internacionalnih časopisa iz neuronauka.

Predsjednik je Udruženja neurohirurga u BiH. Stalni je federalni sudski vještak medicinske struke. Član je federalne komisije za transplantacijski program i Etičkog odbora ljekarske komore KS.